

## ПУДРАТ ШАРТНОМАСИ № 31

« 05» апрел 2022 й

Шофиркон шахри.

“Акбар Шахзод Қурилиш” МЧЖ кейинги ўринларда “Пудратчи” деб юритилувчи ўзининг низоми устави, асосида иш юритувчи рахбари И.Рашидов тимсолида бир томондан ва Шофиркон туманТТБ кейинги ўринларда “Буюртмачи” деб юритувчи, ўзининг низоми устави асосида иш юритувчи рахбари Ф.Тоҳиров тимсолида иккинчи томондан мазкур шартномани қуйидагилар ҳақида туздилар.

### 1. ШАРТНОМАНИНГ ПРЕДМЕТИ.

1.1. Ушбу шартнома буйича “Пудратчи” “Буюртмачи” нинг буюртмасига ва тузилган лойиха смета ҳужжатларига асосан Шофиркон туманТТБ га қарашли Жилвон ОШП биносини Жорий Тамирлаш ишларини бажаришни, «Буюртмачи» “Пудратчи” томонидан лойиха смета бўйича бажарган ишларни далолатнома асосида қабул қилиб олишни ҳамда тўловни ўз вақтида амалга оширишни ўз зиммаларига оладилар.

1.2. Ушбу шартноманинг умумий суммаси ККС билан 314 280 384.40(уч юз ўн тўрт миллион икки юз саксон минг уч юз саксон тўрт сўм 40 тийин)сўмни ташкил этади.

### 2. ШАРТНОМА БУЙИЧА КЕЛИШУВ НАРХЛАР.

2.1. “Буюртмачи” томонидан тақдим қилинган ҳужжатларга асосан таъмирлаш ишларининг қиймати ККС билан 314 280 384.40(уч юз ўн тўрт миллион икки юз саксон минг уч юз саксон тўрт сўм 40 тийин)ни ташкил қилади.

2.2. Таъмирлаш ишларининг бошланиши «05» апрел 2022 йил.

2.3. Таъмирлаш ишларининг тугаши вақти «30» апрел 2022 йил.

### 3. ТАЪМИРЛАШ ИШЛАРИНИ БОШЛАШ, БАЖАРИШ ВА ТУГАТИШ БУЙИЧА ШАРТНОМАВИЙ МУДДАТЛАР

3.1. Таъмирлаш ишларини бажариш муддати мазкур шартноманинг 2.3. бандида кўрсатилган муддатгача амалга оширилади.

3.2. Шартномадаги 4.1 бандида курсатилган авансни «Пудратчи» олгандан сўнг таъмирлаш ишларини бошлайди. Ўзбекистон Республикаси Вазирлар Маҳкамасининг 2021 йил 16 мартдаги 139-сонли қарорига асосан бюджетдан маблағ олувчиларнинг бюджет маблағлари ҳисобига тузиладиган шартномаларида, қоидага кўра, 30 фоиз миқдорида олдиндан ҳақ (аванс) тўлаш назарда тутилган.

3.3. «Буюртмачи» томонидан таъмирлаш ишларини бажариш даврида «Пудратчи»га ўзи томонидан харид қилинган қурилиш материалларини тақдим қилиши мумкин.

3.4. Таъмирлашни тўхтаб қолганлиги учун сабабчи бўлган томон бунинг оқибатида келиб чиқадиган ҳар қандай камомад ёки жавобгарликни ўз зиммасига олади.

3.5. Таъмирлашни тугаллаб фойдаланишга топшириш учун тузилган комиссия далолатномаси тасдиқлангандан сўнг таъмирлаш ишлари тамом бўлган деб ҳисобланади.

### 4. ТЎЛОВ ШАРТИ ВА ТАРТИБИ

4.1. Ушбу шартноманинг умумий нархи ККС билан 314 280 384.40(уч юз ўн тўрт миллион икки юз саксон минг уч юз саксон тўрт сўм 40 тийин) ни ташкил этади. «Буюртмачи» таъмирлаш ишларини бошлаш учун «Пудратчи»га шартнома нархининг 30 % ёки 94 284 115.32 (тўқсон тўрт миллион икки юз саксон тўрт минг бир юз ўн беш сўм 32 тийин) миқдорда олдиндан тўлов (аванс)ни тўлайди ва бу олдиндан тўлов 2022 йилнинг Апрель ойида амалга оширилади. «Буюртмачи» томонидан якуний 70 % ёки 219 996 269.08 (икки юз ўн тўққиз миллион тўққиз юз тўқсон олти минг икки юз олти миш тўққиз сўм 8 тийин) тўлов «Пудратчи» ишлар бажарилганлигини тасдиқловчи ҳужжат тақдим қилгандан сўнг 30 кун ичида амалга оширилади.

4.2. «Буюртмачи» тўловни пул ўтказиш йули билан амалга оширади.

4.3. «Пудрат» ташкилоти томонидан шартномада кўрсатилган суммадан ошикча бажарилган ишлар учун «Буюртмачи» томонидан тўловлар амалга оширилмайди.

### 5. ПУДРАТЧИНИНГ ХУКУК ВА МАЖБУРИЯТЛАРИ.

5.1. Шартнома баҳоси ККС билан 314 280 384.40(уч юз ўн тўрт миллион икки юз саксон минг уч юз саксон тўрт сўм 40 тийин)бўлган таъмирлаш ишларини шартноманинг 2.3 бандида кўрсатилган муддатда бажариш ва ўз вақтида сифатли қилиб топшириш.

5.2. Пудратчи махсус таъмирлаш ишларини бажариш учун махсус ёлланма пудратчи ташкилотларни жалб қилиш ҳуқуқига эга.

5.3. Ҳар ойнинг 25 санасида ўтган ойда бажарилган қурилиш монтаж ишлари тўғрисидаги тегишли ҳужжатларни «Буюртмачи»га тақдим қилиши шарт.

5.4. Пудратчи шартномада назарда тутилган маблағ доирасида ишларни бажаради ва шунга мувофиқ бажарилган ишлар тўғрисида далолатномани тузади.

5.5. Ойида бир марта ҳар ойнинг 5-қунидан кечиктирмай «Буюртмачи»га ўтган ойда қилинган ишлар учун тўлов счёти (ҳисоб фактура)ни тақдим қилади шунингдек ҳисоб фактура “Буюртмачи” томонидан тасдиқлаб берилгандан сўнг 5 (беш) иш куни муддатда Ўзбекистон Республикаси Вазирлар Маҳкамасининг 2019 йил 25 июндаги 522-сонли қарорига мувофиқ электрон кўринишда ЭХФ операторлари орқали жўнатади;

5.6. Пудратчи Буюртмачидан бажарилган хизмат учун ҳакни шартноманинг 4.1 бандига асосан келишилган вақтда ва миқдорда тўланишини талаб қилиш ҳуқуқига эга.

## 6. БУЮРТМАЧНИНГ ХУКУК ВА МАЖБУРИЯТЛАРИ

6.1 “Буюртмачи” “Пудратчи” дан таъмирлаш ишларини ўз вақтида ҳамда белгиланган стандартларга ва амалдаги қонунчиликка асосан топширишини талаб қилиш ҳуқуқига эга

6.2 “Буюртмачи” тасдиқланган сметасига мувофиқ бюджетда назарда тутилган маблағ доирасида шартнома тузади ва шартнома суммасига мувофиқ далолатномани «Пудратчи» билан биргаликда тузади.

6.3 «Пудратчи» томонидан шартноманинг 5.5-бандида назарда тутилган муддатларда тақдим қилинган тўлов счёти (хисоб-фактура)ни қабул қилиб олади ва **30 кун** ичида қилинган ишлар учун тўловни амалга оширади.

6.4. Сифатсиз хизмат кўрсатилганда “Буюртмачи” хизматни қабул қилиб олишдан воз кечиши ва камчиликларни бартараф қилиш тўғрисида 3 кун ичида пудратчини ёзма равишта хабардор қилади.

## 7. ТАРАФЛАРНИНГ ЖАВОБГАРЛИГИ.

7.1. «Пудратчи» «Буюртмачи» томонидан тақдим қилинган лойиха смета ҳужжатларига асосан қурилишни ўз вақтида лозим даражада бажармаганда ёки сифатсиз қилинганлиги учун ҳар бир кечиктирилган кун учун ушбу ишлар бажарилмаган қисмининг суммасидан 0,4% миқдорда, бироқ бажарилмаган ишлар суммасининг 50 % идан ортиқ бўлмаган миқдорда пеня тулайди. Пеняни тўлаш шартнома мажбуриятларини бузган тарафни товарларни етказиб бериш муддатларини кечиктириб юбориш, тўлиқ етказиб бермаслик, ишларни бажармаслик ёки хизматларни кўрсатмаслик оқибатида етказилган зарарни қоплашдан озод этмайди.

7.2. Агар бажарилган ишлар сифати бўйича стандартлар, техник шартлар, намуналарга (эталонларга) қонунчиликда ёки ҳўжалик шартномасида белгиланган бошқа мажбурий шартларга мос келмаса, буюртмачи ишларни қабул қилиш ҳамда уларнинг ҳақини тўлашни рад этиб, пудратчидан сифати лозим даражада бўлмаган ишлар қийматининг 20 фоизи миқдорда жарима ундириб олишга, агар ишлар ҳақи тўлаб қўйилган бўлса, тўланган суммани белгиланган тартибда қайтаришни талаб қилишга ҳақлидир. Сифати лозим даражада бўлмаган ишлар учун жарима пудратчидан ақцептсиз тартибда ундириб олинади.

7.3. «Буюртмачи» «пудратчи» томонидан бажарилган ишлар учун тўлов счёти (хисоб фактура) тақдим қилингандан сўнг молиялаштириш шартномада белгиланган вақтда амалга оширилмаса кечиктирилган кун учун тўлов счёти (хисоб фактура) суммасининг 0,4 % миқдорда, бироқ тўлов счёти (хисоб фактура) суммасининг 50% идан ортиқ бўлмаган миқдорда пеня тўлайди, бунда Буюртмачига боғлиқ бўлмаган ҳолатлар бундан мустасно.

## 8. КОРРУПЦИЯГА ҚАРШИ КУРАШИШ ШАРТЛАРИ.

8.1 Тарафлар шартнома бўйича ўз мажбуриятларини бажараётганда Ўзбекистон Республикасининг коррупцияга қарши курашиш тўғрисидаги қонун ҳужжатларининг талабларига зид келадиган ҳар қандай ҳаракатларни амалга оширмайдилар, шу жумладан, пора беришни таклиф қилмайди, ваъда бермайди, товламачилик қилмайди, пора сифатида пул тўламайди, бевосита ёки билвосита пора олишга розилик бермайди ёки пора, яъни тарафлардан бири ўз хизмат мажбуриятларидан фойдаланган ҳолда пора берган шахснинг манфаатларини кўзлаб муайян ҳаракатларни содир этиши ёки содир этмаслиги шартлиги ёки мумкинлиги учун моддий қимматликларни ёки мулкий наф олмайди. Тарафлар ушбу ҳаракатларга йўл қўймаслик бўйича чоралар кўрилишига кафолат беради.

8.2 Агар шартнома бўйича бир тараф бошқа тарафнинг ахлоққа тўғри келмайдиган ва ушбу шартнома ёки Ўзбекистон Республикаси қонунчилигига зид келадиган ҳатти-ҳаракатларига, шу жумладан, коррупцияга оид ҳуқуқбузарликлар содир этишга мажбурлашдан иборат бўлган фактларга дуч келса, бу ҳақда қуйидаги алоқа каналларидан бири орқали хабардор қилиш керак: “1008” ишонч телефони, телеграм-канал “@anticorbot” орқали, ёки ҳудудий прокуратура органларига билдириш лозим.

## 9. ФОРС-МАЖОР ҲОЛАТЛАРИ.

9.1 Тарафлар ихтиёрига боғлиқ бўлмаган, уларни олдиндан билиш ёки олдини олиш имконияти бўлмаган ҳолатлар (енгиб бўлмас куч) оқибатида мажбуриятларни бажармаганлик ёки етарли даражада бажармаганлик учун тарафлардан бирортаси иккинчи тараф олдида жавобгар эмасдир. Бундай ҳолатлар жумласига эпидемиялар, табиий офатлар, ҳарбий ҳаракатлар киради.

9.2 Ваколатли орган томонидан берилган гувоҳнома енгиб бўлмас куч мавжудлиги ва амал қилишининг давомийлигини тасдиқлаш учун етарли ҳужжатдир.

9.3 Ўз мажбуриятларини бажара олмаётган тараф енгиб бўлмас кучнинг мавжудлиги ва унинг шартнома бўйича мажбуриятларини бажаришига таъсири ҳақида иккинчи тарафга хабарнома бериши лозим. Агар енгиб бўлмас куч ҳолатлари узлуксиз 15 кун давомида амал қилиб турса ва яқин муддат ичида бекор қилиниши эҳтимоли бўлмаса, мазкур шартнома тарафлардан бирининг ташаббуси билан иккинчи тарафга ёзма билдиришнома юбориш йўли билан бекор қилиниши мумкин.

## 10. КЕЛИШМОВЧИЛИКЛАРНИ ХАЛ ҚИЛИШ ТАРТИБИ.

10.1 Ушбу шартномани тузиш, бажариш, ўзгартириш ва бекор қилиш билан боғлиқ, томонлар ўртасида келиб чиқадиган, шунингдек, етказилган зарарни қоплаш тўғрисидаги низолар тарафларнинг ўзаро келишувни ёхуд қонун ҳужжатларида белгиланган тартибда суд орқали ҳал этилади.

## 11. ШАРТНОМАНИНГ АМАЛ КИЛИШ МУДДАТИ.

11.1. 2014 йил 1 январдан амалга киритилган Ўзбекистон Республикаси Бюджет кодексининг 122-моддаси ҳамда ЎзР Молия Вазирлигининг 2016 йил 22 ноябрдаги 88-сон буйруғи билан тасдиқланган “Бюджет тизими бюджетларининг газна ижроси Қоидалари” (Аллия вазирлигида 2016 йил 22 декабрда 2850-сон билан рўйхатдан ўтказилди)га асосан шартнома тегишли тартибда газначилик бўлими рўйхатидан ўтказилгандан сўнг қонуний кучга кирази ҳамда 31.12.2022 йилгача амалда булади.

11.2. Шартнома икки нусхада тузилган булиб ҳар бири бир хил кучга эга ҳисобланади ва тарафларга бир нусхадан сакланади.

## 12. ТОМОНЛАРНИНГ ЮРИДИК МАНЗИЛЛАРИ ВА БАНК РЕКВИЗИТЛАРИ:

«Пудратчи»

**«Ақбар Шахзод Қурилиш» МЧЖ**

(ижрочининг номи)

**Манзил: Бухоро вилоят Шофиркон туман,  
Зарчабек МФЙ, Зарчабек кўчаси  
тел/факс. 99-707-13-00, 33-145-08-05**

**х/р 20208 000 600 234 563 001**

**Банк номи: Шофиркон туман Халқбанки**

**МФО 00670 ИНН 302642703**

**ОКОНХ: 41201**

**Раҳбар: И.И.Рашидов**

(Ф.И.Ш.)

ИМЗО

М.у



«Буюртмачи»

**Шофиркон ТТБ**

(бюджет маблағларини олувчи номи)

Манзили: Шофиркон тумани Навруз кўчаси 117-уй

Тел./факс: \_\_\_\_\_

ш/хв: 100022860062587073101054003

ОКОНХ: 91511 ИНН: 201113399

Газначилик бўлинмаси номи: Шофиркон туман

Газначилик булинмаси

ЯГХ: 23402000300100001010

Банк номи: Марказий банкнинг Тошкент шаҳар Бош

бошқармаси Ҳисоб-китоб-касса маркази (ҲККМ)

МФО 00014

Газначилик бўлинимаси СТИРи 201122919

**Раҳбар: Ф.Тохиров**

(Ф.И.Ш.)

ИМЗО

М.у



**YURIDIK AHAMIYATGA EGA HUJJATLARNING QONUN  
HUJJATLARIGA MUVOFIQLIGI TO'G'RISIDA YURIDIK**

**XULOSA**

1.Loyihaning turi: Shartnoma.

2.Loyihaning nomi: Pudrat shartnomasi.

Shofirkon tuman tibbiyot birlashmasi va "Akbar Shaxzod Qurilish" MChJ o'rtasidagi pudrat shartnomasi.

3.Loyiha ishlab chiquvchisi va kiritilgan sana haqidagi ma'lumot:

Shofirkon tuman tibbiyot birlashmasi tomonidan 2022-yil 5-aprel sanasida qayta ishlab chiqilgan va markazga yuridik xulosa uchun qayta taqdim etilgan.

Loyiha tuman tibbiyot birlashmasi tomonidan taqdim etilgan ilova hujjatlar asosida ko'rib chiqildi.

Loyiha amaldagi qonun hujjatlariga muvofiq ishlab chiqilgan va uni tuzish maqsadga muvofiq.

**Markaz bosh yuriskonsulti**



**A.Nusratov**